



Vogošća, ul. Jošanička, br. 80; tel: 00387 33 586 413, fax: 586 418

Broj: 07-14-397/19  
Vogošća, 09.04.2019. godine

Na osnovu člana 70. Zakona o javnim nabavkama BiH ("Službeni glasnik BiH" broj: 39/14), i čl. 71. i 125. Statuta Općine Vogošća ("Službene novine Kantona Sarajevo", broj 27/14 i 14/15 Prečišćeni tekst), Općinski načelnik dana 09.04.2019. godine donio je

**ODLUKU**  
**O IZBORU NAJPOVOLJNIJEG PONUĐAČA ZA IZVOĐENJE RADOVA NA UREĐENJU OBALA**  
**JOŠANIČKE RIJEKE OD STAC. 0+358,15 DO STAC 0+420,00**

**Član 1.**

Ponuda ponuđača "MGBH" d.o.o. Sarajevo, ulica Lužansko polje broj 7. Ilidža, odabrana je za izvođenje radova na uređenju obala Jošaničke rijeke od stac. 0+358,15 do stac 0+420,00, kao jedina formalno-pravno prihvatljiva ponuda, sa ponuđenom ukupnom cijenom nabavke u iznosu od 208.763,70 KM bez uračunatog PDV-a, odnosno 244.253,53 KM sa uračunatim PDV-om.

**Član 2.**

Ova Odluka stupa na snagu danom donošenja, a objaviće se na web stranici Općine Vogošća, istovremeno s upućivanjem ponuđačima koji su učestvovali u postupku javne nabavke, u skladu sa članom 70. stav 6. Zakona o javnim nabavkama BiH.

**OBRAZLOŽENJE**

Općinski načelnik je dana 28.02.2019. godine donio Odluku o pokretanju Otvorenog postupka nabavke radova na uređenju obala Jošaničke rijeke od stac. 0+358,15 do stac 0+420,00, zajedno sa objavljivanjem Obavještenja o nabavci i tenderske dokumentacije na Portalu javnih nabavki BiH dana 13.03.2019. godine pod brojem: 1353-1-3-43-3-40/19.

Sažetak Obavještenja o nabavci objavljen je u "Službenom glasniku BiH" broj: 19/19 od 15.03.2019. godine.

Tendersku dokumentaciju sa Portala javnih nabavki BiH je preuzelo 11 (jedanaest) ponuđača. Krajnji rok za dostavu ponuda bio je 29.03.2019. godine do 14:00 sati, te je izvršeno javno otvaranje ponuda, što je konstatovano Zapisnikom sa otvaranja ponuda od 29.03.2019. godine.

Nakon izvršenog otvaranja ponuda, Komisija za javne nabavke je pristupila analizi dokumentacije priložene uz ponude, u smislu provjere njihove validnosti, s obzirom na iskazane zahtjeve ugovornog organa u Tenderskoj dokumentaciji broj: 07-14-397/19 iz marta 2019. godine kao i Izmjeni Tenderske dokumentacije broj: 07-14-397/19 iz marta 2019. godine, odnosno pregledu ponuda u skladu sa procedurama i pravilima utvrđenim Tenderskom dokumentacijom, te Zakonom o javnim nabavkama BiH i pripadajućim podzakonskim aktima.

Shodno navedenom Zapisniku sa otvaranja ponuda, Komisija za javne nabavke je konstatovala da su zaprimljene 3 (tri) ponude i to:

R.B.	NAZIV PONUĐAČA/GRUPE PONUĐAČA	UKUPNA CIJENA (KM) bez PDV-a	POPUST	CIJENA (KM) SA POPUSTOM bez PDV-a	UKUPNA CIJENA (KM) sa PDV-om
1	"MGBH" d.o.o. Sarajevo	208.763,70	/	/	244.253,53
2	"Termo-beton" d.o.o. Breza	199.689,58	/	/	233.636,81
3	"BBM" d.o.o. Sarajevo	198.218,01	/	/	231.915,07

Uvidom u priloženu dokumentaciju i suštinskom provjerom sadržaja i validnosti iste, Komisija za javne nabavke je utvrdila sljedeće:

I. Ponuda ponuđača "Termo-beton" d.o.o. Breza ne ispunjava formalno-pravne uslove tražene Tenderskom dokumentacijom i to:

- Tačkom 7.2.1. TD, a u skladu sa članom 46. Zakona traženo je da ponuđači moraju biti registrovani za obavljanje djelatnosti koja je predmet javne nabavke. U svrhu dokazivanja profesionalne sposobnosti ponuđači su bili dužni u ponudi dostaviti dokaz o registraciji u odgovarajućem profesionalnom ili drugom registru u zemlji u kojoj su registrovani ili da obezbjede posebnu izjavu ili potvrdu nadležnog organa kojom se dokazuje njihovo pravo da obavljaju profesionalnu djelatnost, koja je u vezi sa predmetom nabavke, uz napomenu da dokazi koji se dostavljaju moraju biti originali ili ovjerene kopije.

Ponuđač "Termo-beton" d.o.o Breza je u svojoj Ponudi (strana 25-32 Ponude) kao dokaz za obavljanje profesionalne djelatnosti dostavio ovjerenu kopiju Aktuelnog izvoda iz sudskog registra od 05.02.2019. godine.

Komisija za javne nabavke smatra da dostavljena ovjerena kopija Aktuelnog izvoda iz sudskog registra nije ovjerena od strane nadležnog organa na ispravan način. Naime, ovjerena je samo zadnja strana Izvoda, a obzirom da se isti sastoji od više stranica, bilo je potrebno ovjeriti svaku stranicu Izvoda pojedinačno-između stranica, a prema zvaničnom mišljenju datom u Rješenju Ureda za razmatranje žalbi BiH-Podružnica Mostar broj: JN2-03-07-1-729-8/17 od 24.08.2017. godine.

Također, Komisija za javne nabavke smatra problematičnim činjenicu da se priloženi Aktuelni izvod iz sudskog registra sastoji od 7 (sedam) stranica, dok je Služba za finansije, inspeksijske poslove i opću upravu Općine Breza ovjeravajući predmetnu kopiju dokumenta na pečatu na strani 32. Ponude naznačila da se isti sastoji od 5 stranica, što je direktno utjecalo na formalno-pravnu ispravnost dostavljenog dokumenta.

Uz prethodno navedeno, Komisija za javne nabavke konstatuje kao sporno da je u ponudi ponuđača "Termo-beton" d.o.o Breza (strana 85-88. Ponude) ponuđač dostavio ovjerene kopije saobraćajnih dozvola za kamione tražene TD, koje su od nadležnog organa ovjerene na pogrešan način. Naime, na pečatu ovjere jasno stoji da se dostavljeni dokumenti (Potvrde o registraciji/saobraćajne dozvole) sastoje od 6 stranica, a što je očigledno pogrešno, obzirom da se dokumenti dostavljeni kao dokazi sastoje od po jedne stranice.

Zbog prethodno navedenog, a u skladu sa odredbom člana 68. stav 4. Zakona o javnim nabavkama BiH ("Službeni glasnik BiH", broj 39/14) predmetna ponuda je formalno-pravno neispravna i kao takva nije prihvatljiva za ugovorni organ.

**II. Ponuda ponuđača "BBM" d.o.o. Sarajevo ne ispunjava formalno-pravne uslove tražene Tenderskom dokumentacijom i to:**

Dana 13.03.2019. godine ugovorni organ je na Portalu javnih nabavki BiH uz Obavještenje o nabavci broj: 1353-1-3-43-3-40/19 objavio i TD broj: 07-14-397/19 iz marta 2019. godine. U objavljenoj TD je naknadno uočena greška u obrascu za cijenu ponude-predmjera i predračunu radova, gdje je greškom ispušten jedan dio predmjera radova (tabela za predmjer radova regulacije), te je stoga ugovorni organ dana 15.03.2019. godine izvršio izmjenu TD (urađen je korigovani obrazac za cijenu ponude-Aneks 2 sa ispravljenom greškom) i isti učinjen dostupnim ponuđačima za preuzimanje sa Portala javnih nabavki BiH.

Ponuđač "BBM" d.o.o. Sarajevo je u svojoj Ponudi (strana 5-8. Ponude) dostavio uredno popunjen obrazac za cijenu ponude koji se odnosi samo na dio TD-specifikacije radova koji je objavljen dana 13.03.2019. godine.

Iz Izvještaja o preuzimanju TD od strane ponuđača koji je generisan sa Portala javnih nabavki je jasno vidljivo da je ponuđač "BBM" d.o.o. Sarajevo preuzeo samo TD objavljenu dana 13.03.2019. godine dok je Izmjenu TD sa korigovanim obrascem za cijenu ponude objavljenu dana 15.03.2019. godine propustio da preuzme.

Na osnovu propusta ponuđača da dostavi kompletan obrazac za cijenu ponude koji je svima bio javno dostupan i obavezujući, a kako bi predmetna ponuda bila ispravna i prihvatljiva, Komisija za javne nabavke cijeni da je ponuda ponuđača "BBM" d.o.o. Sarajevo formalno-pravno neispravna i kao takva nije prihvatljiva za ugovorni organ.

Detaljnim postupkom pregleda i ocjene ponude, Komisija za javne nabavke je utvrdila da ponuda ponuđača "MGBH" d.o.o. Sarajevo ispunjava formalno-pravne uslove, odnosno zahtjeve ugovornog organa tražene Tenderskom dokumentacijom.

Zatim je Komisija za javne nabavke pristupila razmatranju finansijskog dijela ponude ponuđača "MGBH" d.o.o. Sarajevo, te je izvršena računaska provjera dostavljene ponude i utvrđeno je da nema računskih grešaka, a sve u skladu sa odredbom člana 17. stav 1. Uputstva za pripremu modela tenderske dokumentacije i ponuda ("Službeni glasnik BiH" broj: 90/14 i 20/15).

Obzirom da je Ponuda ponuđača "MGBH" d.o.o. Sarajevo sa ukupnom ponuđenom cijenom u iznosu od 208.763,70 KM bez uračunatog PDV-a, prelazila procijenjenu vrijednost nabavke koja iznosi 200.000,00 KM bez uračunatog PDV-a, Komisija za javne nabavke je dana 09.04.2019. godine zatražila izjašnjenje od nadležne Službe da li može obezbijediti razliku sredstava u iznosu od 8.763,70 KM bez uračunatog PDV-a za realizaciju predmetne nabavke.

Služba za komunalne, poslove mjesnih zajednica i zajedničke poslove se aktom broj: 07-14-397/19 od 09.04.2019. godine očitovala da može obezbijediti traženu razliku sredstava za realizaciju predmetne nabavke.

Iz navedenih razloga, a primjenom člana 64. stav 1. tačka b) Zakona o javnim nabavkama BiH ("Službeni glasnik BiH" broj: 39/14), Komisija za javne nabavke je jednoglasno dala preporuku Općinskom načelniku da donese Odluku o izboru najpovoljnijeg ponuđača "MGBH" d.o.o. Sarajevo, za izvođenje radova na uređenju obala Jošaničke rijeke od stac. 0+358,15 do stac 0+420,00, kao jedine formalno-pravno prihvatljive ponude, sa ponuđenom ukupnom cijenom nabavke u iznosu od 208.763,70 KM bez uračunatog PDV-a, odnosno 244.253,53 KM sa uračunatim PDV-om.

**Pouka o pravnom lijeku:** Ponuđač koji je učestvovao u postupku nadmetanja može radi zaštite svojih prava, u roku od deset dana od prijema Odluke o izboru najpovoljnijeg ponuđača izjaviti žalbu. Žalba se podnosi Uredu za razmatranje žalbi BiH putem ugovornog organa.

Dostavljeno:

1. "MGBH" d.o.o. Sarajevo
2. "Termo-beton" d.o.o. Breza
3. "BBM" d.o.o. Sarajevo
4. Nadležnoj Službi
5. U dosije
6. a/a

033/763-110

032/789-051

033/563-051

OPĆINSKI NAČELNIK

Edin Smajlć